

1528
RÖPL.

87

1528.

IN FELICISS. PVERPERI/
um Serenifs. Dn. ANNAE Vngariae
ac Boëmiæ Reginae &c. Inuictifs. Re/
gis FERDINANDI &c. coniu/
gis charifs. IOANNIS Ale/
xandri Brassicani
Idyllion.

REVERENDISS. AC ILLV/
strifs. Principi Dn. BERNAR/
DO Episcopo Tridenti/
no ac regio Cancellar/
rio summo no/
minatim in/
scriptū.



1528

REVERENDISS. IN CHRISTO PATRI
 ac eidem Illustris. Principi Dn. BERNARDO
 Glefs, Episcopo Tridentino ac Inuictis. Prin-
 cipis FERDINANDI Vngariæ ac Boë-
 miæ Regis &c. Cancellario sum-
 mo, Dn. & patrono suo reue-
 renter obseruando, IOAN-
 NES Alexāder Brassi/
 canus se ac studia sua
 commendat.

Regia cum pones aliquando negotia, Præsul
 Maxime, doctrinis ancora sacra bonis.
 Ingenij exiguam secturam at maxima amoris
 Symbola, quæ regi debeo ubiq; legas.
 Certe quicquid ibi est ardens in e scribere adigit
 Latitia, atq; auibus filia nata bonis.
 Quem natura negat, dant maxima gaudia uersum
 Sic fit letitiæ sæpe poëta bono.
 Sunt alij quibus est plus cæli, hi dicere pergant
 Regia longe alijs pignora nata modis.
 Mi satis est animi studium ostendisse, probauit
 Hoc tantum multos nomine posteritas.
 At quis furtiuo uulcania monstra colore.
 Laudet, ab assutis cognita uersiculis.
 Cui non pro ludo est nitidi cornicula flacci
 Cum minime est cultu tota superba suo.
 Cumanum sic sæpe asinum se uendere cernas

Dum solet inducta pelle placere sibi.
 Tu qui mos tuus est cultissime Episcope, aperti
 Carmina quaeso legas, dum uacat, ingenij.



Quantum oculis præstat magni Iouis ales acutis
 Lumina dum phœbi clara subinde uidet
 Laude Tridentinum sic tollit Episcopon æqua
 Quæ Regi experta est candida ubiq; fides.

IN FELICISS. PVERPERIVM SE/
renis. Dn. ANNAE Vngariæ ac Boëmiae Reginae
&c. Inuitis. Regis FERDINANDI &c. coniugis
charis. quo post ELISABETHAM Filiam Regi
nam primo loco, ac deinde Filium Regē MA/
XIMILIANVM genitū. Iam tertium, dñs
optime uolentibus sibi cog/
nominem ANNAM Fi
liam reginā peperit.
IOANNIS Ale
xandri Bras/
sici
IDYLLION.

FERDINANDE patēr patriæ, Rex optimē, nanq;
Principis eximij dotes ita dicimus omnes.
Nunc incredibili præsignem exporrige frontem
Lætitiæ, creffisq; notis feliciæ signa.
Tempora, læta dies tibi labitur ominē fausto
Dñs etiam auspicius reor & Iunone secunda
Quando iterum te prole noua, te pignore sancto
Filiola, insignis coniux facit ANNA parentem
Quam lacedæmonia est uirtute insignior ANNA
Filia principio regis, atq; inclyta regis
FERDINANDI uxor, fausto quæ numine diuū,
Reginas regesq; parit, diuasq; deosq;
Verius hanc dicas proferre in luminis auras.
Plurima debebant sua secula Maximiliano

Multa sed hæc debent quoq; tēpora Maximiliano
Quanquā etenim fuerit bello clarissimus ille
Cæsar, ut emeriti testantur ubiq; triumphū
At pacis studio est neruis maioribus usus
Neinpe suos miro dum extollit honore nepotes
Dum regnorum etiam astringit connubia uinctis
Fœdera dum iuncto concordia sanguine firmat.
Sic nato primum cessere Hispana Philippo
Imperia, atq; alio gentes sub sole iacentes
Quas ego si cupiam tenui deducere uersu
Idem etiam tentem numero cōprehendere arenā
Quā libyci passim innumerā uomit æquoris æstus
Possidet hæc hodie proles generosa Philippi
Carolus, imperij & summas moderatur habenas.
Carolus ille equidem Cæsar, qui ingentibus ausis
Fortunaq; pari, tot bella ingentia gessit
Tot hostes penitus fudit, tot perfida castris
Agnina diuorum felicibus exiit auris.
Vnicus exemplum præbet memorabile Gallus
Qui nido exiguo pennis maioribus usus
Exiit castris, captusq; a milite nostro
Mittitur ad magnam sacra Cæsaris aulam.
Gallica perfidiæ cōmēta hæc dicere pergat
Posteritas, quæ sera licet tamen optima testis
Omnia temporibus fœda exhibet acta futuris,
Carolus ille equidem Cæsar, cui regia coniux
Filiolum patrio produxit honore Philippum
Nomine qui simul & summis uirtutibus æquet
A in

Maximilianæ præstantia facta Philippi
 FERDINANDI autem regis præstantior Anna
 Nimirum triplici sobole, nanq; ordine pulchro
 Principio felix nata est Isabella, secundus
 Maximilianus aui de nomine prodijt, illo
 Nomine, quo possit nihil esse antiquius orbi,
 Filia nunc reginæ Annæ cognominis Anna
 Nascitur, inuicti spes tertia FERdinandi
 Austria sic omnes reuirescet gloria ad annos
 Sic semper Friderichus erit, sic Maximiliani
 Mentio semper erit, sic uiuet ubiq; Philippus
 Sic Isabella suum nomen sic Anna relinquet
 Nomina sic ueterum referent præclara nepotes
 Virtutesq; simul, quibus hæc tot regna, tot urbes
 Tot populi, a terno debentur rite tenore
 At ueluti nigræ spes est certissima terra
 Dum segetem flauis passim promittit aristas
 Sic FERDINANDI pariter tum coniugis Annæ
 Natorum pleno pulcherrima copia cornu
 Expectanda orbi fuerit, par nobile, nanq;
 Quam sibi tam nobis tot candida pignora gignit
 Quin potius diuum certissima munera gignit.
 Pro se quisq; igitur superum se aduoluat ad aras
 Supplicibus uotis, quo tam connubia leta
 Natorum eximjs donis feliciter ornent.
 Pannonij uelit hoc idem gens maxima regni
 Diues opum, fecunda solo, gens strenua bello
 Hoc fortes nunquam hoc cessent optare Boëmi

Regis amans populus, uarijsq; exercitus armis,
 Inclyta & hoc uotis petat omnibus Austria, felix
 Cum terræ cæliq; bonis, felicior illo
 Coniugio, quo nullum aliud præstantius unquam
 Cuncta uidens summo sol despiciebat olympo.
 Tu quoq; gaude sinu tacito germania, quando
 Producent sobolem, clarissima lumina, possunt
 Vnica labenti quæ nunc succurrere mundo.
 FINIS.

SPECTATA VIRTUTE VIRO D.
 MARCO Bæck a Leopoldsdorff, Austriae ui-
 cedomino ac Regio Consiliario, Patrono
 suo incomparabili. IOANNES
 Alexander Brassicanus.

Parnasi Musas, phœbiq; Heliconæ Poëtæ
 Esse putant scriptis numina sacra suis
 Tu certe es studijs nostris MARCE optime, summū
 Præsidium, & uite portio magna meæ
 Ergo tuæ debent senium defendere famæ
 Tuq; illas merito munere, Picrides.

Hieronymus Victor Typographus Rëgius,
 Viennæ Austriae excudebat, Anno a na-
 to Christo M. D. XXVIII.
 Mensis Iulij, die XIII.

